



() Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-528-3/22**
Datum: **27.10.2022. godine**

«Agencija za vodno područje rijeke Save» Sarajevo rješavajući po zahtjevu Investitora MAJDANČIĆ RASIM iz Kalesije za izdavanje vodne saglasnosti na projektnu dokumentaciju za aktivnost ispuštanja otpadnih voda sa lokacije stambeno-poslovnog objekta u naselju Lipovice, općina Kalesija na osnovu člana 109. stav (2). tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Investitora MAJDANČIĆ RASIM iz Kalesije za izdavanje vodne saglasnosti na projektnu dokumentaciju za aktivnost ispuštanja otpadnih voda sa lokacije stambeno-poslovnog objekta u naselju Lipovice, koji se planira graditi na zemljištu označenom kao k.č. broj: 2571/5 K.O. Lipovice, općina Kalesija, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja otpadnih voda u površinske vode ili okoliš, Investitor je dužan da pribavi vodne akte od nadležnog organa.

O b r a z l o ž e n j e

Investitor MAJDANČIĆ RASIM iz Kalesije se dana 03.10.2022. godine obratio ovoj Agenciji sa zahtjevom bez broja za izdavanje rješenja o vodnoj saglasnosti na projektnu dokumentaciju za aktivnost ispuštanja otpadnih voda sa lokacije stambeno-poslovnog objekta u naselju Lipovice, koji se planira graditi na zemljištu označenom kao k.č. broj: 2571/5 K.O. Lipovice, općina Kalesija.

U provedenom postupku dostavljena je i pregledana sljedeća dokumentacija:

- Ovjerena kopija lične karte;
- Ovjerena kopija Rješenja o prethodnoj vodnoj saglasnosti broj: 04/1-11-21-39811/21 od 31.03.2022. godine izdato od Ministarstvo poljoprivrede, šumarstva i vodoprivrede Tuzlanskog kantona;
- Ovjerena kopija rješenja o prethodnoj vodnoj saglasnosti broj: UP-1/21-1-40-205-4/22 od 02.06.2022. godine izdato od Agencije za vodno područje rijeke Save, Sarajevo;
- Kopija pravosnažnog rješenja o naknadnoj urbanističkoj saglasnosti broj: 02/2-1-19-1-1124/21 od 14.04.2021. godine izdata od Službe za prostorno uređenje, geodetske i imovinsko-pravne poslove, općina Kalesija;
- Glavni projekat snabdijevanja vodom i dispozicija otpadnih voda za potrebe izgrađenog stambeno poslovnog objekta, broj: I-273-09/22, Septembar, 2022. godina urađen od „ATRIUS projekt“ d.o.o., Živinice;
- Revizija Glavnog projekta snabdijevanja vodom i dispozicija otpadnih voda za potrebe izgrađenog stambeno poslovnog objekta na k.č. broj: 2571/5 K.O. Lipovice, općina Kalesija, broj: 752/2022, Septembar 2022. godina urađena od „TZI-INŽENJERING“ d.o.o., Sarajevo;
- Dokaz o uplaćenju administrativnoj upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljenog Glavnog projekta i Stručnog mišljenja broj: UP-1/21-2-40-528-2/22 od 05.10.2022. godine utvrđeno je slijedeće:

- Stambeno-poslovni objekat će se graditi na zemljištu označenom kao k.č. broj: 2571/5 K.O. Lipovice, općina Kalesija. Rijeka Gribaja od objekta je udaljena cca 400 metara.
- Osnovna namjena stambeno-poslovnog objekta je prodajni prostor keramičkih pločica sa pratećim i pomoćnim prostorima, te izložbeni salon keramičkih pločica.
- U objektu se ne obavljaju nikakve posebne aktivnosti niti proizvodni procesi tokom kojih nastaju tehnološke otpadne vode.
- Objekat se nalazi u IV zaštitnoj zoni izvorišta „Krušik“ i iz tih razloga postojala je potreba izdavanja Rješenja o prethodnoj vodnoj saglasnosti broj: UP-1/25-1-40-205-4/22 od 02.06.2022. godine sa uslovima koje treba sadržavati projektna dokumentacija vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda, na nivou Glavnog projekta.
- Uvidom u urađeni navedeni Projekat utvrđeno je da se radi o platou manjih dimenzija te da neće doći do značajnog prometa vozila a samim tim neće ni nastajati oborinske onečišćene vode u količini koja bi negativno uticala na kvalitet voda.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:
Remić Dž., dipl.iur.

Po ovlaštenju
Rukovodilac sektora za zdayanje vodnih akata


Haris Ališehović, dipl.inž.građ.

Dostaviti:

- MAJDANČIĆ RASIM (Prilog: Projekat i Izvještaj)
Ul.Vukovije Donje bb, Kalesija
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava